

ՆՈՅԵՄԲԵՐԻ 21-ԻՆ՝ ԽՈՐՀՐԴԱՐԱՆԱԿԱՆ ԸՆՏՐՈՒԹՅՈՒՆՆԵՐԻ ԵՐԿՐՈՐԴ ՓՈՒԼ

«ԸՆԴԴԻՍՈՒԹՅՈՒՆԸ ՊԵՏՔ Է ՀԱՍԿԱՆԱ. ՈՐ ԸՆՏՐՈՂՆԵՐԻ ԱՃԱԿՅՈՒԹՅՈՒՆԸ ՆԱԽԱՏԵՍՈՒՄ Է ՆԱԵՎ ՊԱՏԱՍԽԱՆԱՏՎՈՒԹՅՈՒՆ»

(Սկիզբը՝ 1-ին էջում)

- Ինչպես գիտեք, Վրաստանի քաղաքացիներն արդեն հոկտեմբերի 31-ին, ուզում են ընդգծել համավարակի պայմաններում, երբ նրանք մասնակցեցին ընտրություններին, նրանք միաձայն աջակցեցին 9 քաղաքական կուսակցությունների, նրանց ներկայացմանը խորհրդարանում եւ նրան, որ այդ քաղաքական կուսակցությունները ստացած մանդատներով, պատասխանատվության տեսանկյունից միասին հոգ տանեն ու պայքարեն երկրում առկա մարտահրավերների դեմ: Սա ամենակարեւորն է: Համոզված են, որ այս քաղաքական միու-

թյուններից յուրաքանչյուրը, յուրաքանչյուր պատգամավոր հասկանում է պատասխանատվությունը եւ գործելու է այնպես, ինչպես հարիր է վրացի ընտրողին, Վրաստանի քաղաքացուն:

Բոլորը պետք է հասկանան, որ երկրի հետագա կայուն զարգացումը, կայուն քաղաքական գործընթացը պայմանավորված է մարտահրավերներով, որոնց երկիրը պետք է պատասխան տա, առաջին հերթին, դա համաշխարհային համավարակն է, տնտեսական ճգնաժամը, տարածաշրջանային մարտահրավերները, դա շատ կարեւոր է,- հայտարարեց Գախարիան:

«ԸՆԴԴԻՍՈՒԹՅԱՆԸ ԿՈՉ ԵՆՔ ԱՆՈՒՄ ՄՏՆԵԼ ԽՈՐՀՐԴԱՐԱՆ»



Ամերիկայի Միացյալ Նահանգների պետական դեպարտամենտի պաշտոնական ներկայացուցիչները հատուկ մամուլի ասուլիս են հրավիրել, որտեղ խոսել են Վրաստանի մասին:

«Մենք ընդդիմություն ենք ցուցնում կոչ ենք անում մ տ ե լ խորհրդարան՝ կատարելու ընտրական փոփոխություններ, որոնք երաշխիքը կդառնան, որ հաջորդ ընտրությունների բարելավման, ո՛չ մենք, ո՛չ էլ նրանք չենք տեսնի նույն խախտումների կրկնությունը:

Նրանց բոյկոտին հետեւելը նման է արդեն տեսած կինոնկարի դիտմանը: Սա այն է, ինչին սատարում են Ամերի-

կայի եւ ԵՄ դեսպանները: Նրանց վերադարձնել բանակցությունների սեղանի շուրջ, ոչ թե ելք գտնել մեզ, այլ նրանց համար, աշխատել միասին, սովորել միասին աշխատել, քանի որ նրանք ստիպված կլինեն միասին աշխատել խորհրդարանում, կազմել ծրագիր, խորհրդարանական օրակարգ, որը ներառում է կարելու ընտրական փոփոխություններ եւ Կենտրոնական ընտրական հանձնաժողովի բարեփոխում: Այդ դեպքում, եթե նոր ընտրություններ անցկացվեն, դուք կունենաք ավելի վստահելի արդյունք, որին բոլորը կվստահեն, եւ նման հարցեր չեն առաջանում», - ասվել է ճեպագրույցի ընթացքում:

ԱՂԱՍԻ ԱՅՎԱԶՅԱՆ - 95

«ԵՄ ԻՆՁ ԹԻՖԼԻՍՑԻ ԵՄ ՀԱՄԱՐԵԼ, ՆՈՒՅՆԻՍԿ ԵՐԵՎԱՆՈՒՄ ԱՊՐԵԼԻՍ»

Գրական Մեծերին նվիրված մեր խորագրի հերթական այս հոդվածը ունի ոչ միայն տվյալ հեղինակի հիշատակին խոնարհվելու, այլ նաեւ՝ մեզ ավանդված գրական ժառանգությունը վերընթերցելու, եւ այն մեր կյանքի ուղեկից դիտելու նպատակ:

Մտավորականի իր կերպարում ամփոփվեց արձակագիրը, դրամատուրգը, ռեժիսորը, սցենարիստը, մուլտիպլիկատորը, խմբագիրը, գեղանկարիչը... իսկ անվանը կցվեցին թվարկված ոլորտների բարձրագույն գնահատականները:

Այդ մտավորականը՝ Աղասի Այվազյանը, մեր հայրենակիցն է եւ, իբրեւ Վրաստանի ծնունդ, նրա ճակատագիրն ընդհանուր շատ եզրեր ունի Վրաստանում հանգրվան գտած հայության համընդհանուր ճակատագրի հետ:

Աղասիի նախնիները, վիրահայության ծանրակշիռ հատվածի նման, գաղթել են Արեւմտյան Հայաստանից: Նրա էրզրումցի պապը՝ հաղթանդամ մի դարբին, 1915-ի կոտորածից հրաշքով փրկված ընտանիքին հասցրել է Վրաստան, ուր 1925-ին, Թիֆլիսում, որոշ աղբյուրներում՝ Աբասթուանիի բուժավայրում, ուր այդ օրերին հանգստանում էր մայրը, ծնվել է Աղասին: Անդրադառնալով իր անցած ուղուն՝ մի ավելորդ անգամ համոզվում ես, որ նրա մարդկային հոգեկերտվածքին իրենց անջնջելի դրոշմն էին դրել էրզրումցի պապերի ընտանեկան միստուկացն ու ավանդույթները:

Արվեստագետի աշխարհայացքի եւ նրա հոգեւոր փնտրտուքների օրրան թեթիփի հետ կապված ամռանաճաշի հուշերը ողջ կյանքում պետք է ուղեկցեին Աղասի Այվազյանին, դա տեսնում ենք թեկուզ, «Թիֆլիսի ցուցափեղկերը» պատմվածքում (1981, Երեւան): Ու ոչ միայն ուղեկցեին, այլեւ ընդհանրապես դառնային նրա հոգեւոր սննդի աղբյուր: Ծննդավայրում Աղասին ուսանեց Թեթիփի Գեղարվեստի ակադեմիայում եւ Պետհամալսարանի բանասիրական ֆակուլտետում: Այստեղ ճաշակեց իր առաջնելը՝ «Անձրեւը» նովելների (1959) ժողովածուի բերկրանքը, որին հաջորդեց նաեւ «Ճանապարհորդություն իր շուրջը» (1963) հունդրեսներով ժողովածուն:

Աղասիի կենսագրությունը բազմաբե-

ռն է: Արդեն 60-ական թվականներից Այվազյան ստեղծագործողի փնտրտուքները շարունակվում են Հայաստանում, ուր տեղափոխվում է մշտական բնակության: «Եղած-չեղածը մի կյանք» հուշագրության մեջ կարդում ենք կյանքի նոր հատվածի հետ կապված քնարական տողեր. «Գնացքը թոնթոնթում էր Հայաստան երկրով, վագոնները ճռճում էին, ես իմ սխալ ականջով վագոնի պատուհանից օդավորում էի՝ «Բարձր սարեր, ա՛յ սարեր» միակ տողը, որ կարողացել էր ուղեղս մտապահել»- Առատ, սուր լույսից աչքերը ճպճպացնող երեխայի պես դիմավորեց ինձ Երեւանը: Նա միամիտ էր, աղմկոտ աշխարհից մոռացված, զարմանալի յուրահատուկ բուրմունքով»:


Ըստ ժամանակակիցների, Երեւանում, սկզբնական շրջանում, Աղասին ստիպված էր փողոցներում գիշերել, բայց դա չընկճեց ամեն մի նոր լուսաբացի հետ կյանքի նոր հնարավորություններ փնտրող անհատականությանը... Արդեն երիտասարդ չլինելով՝ Երեւանում նա նորից վերադառնում է ուսանողական կյանքին, ուսանում մայրաքաղաքի գեղարվեստա-թատերական եւ ֆիզիկական կուլտուրայի ինստիտուտներում: Տարբեր հիմնարկներում աշխատում՝ որպես նկարիչ-մուլտիպլիկատոր, կոմսատրուկտոր, գծագրող: Շուտով՝ նաեւ հայտնվում մամուլի ասպարեզում, աշխատում՝ լրագրող. «Գրական թերթի» արձակի բաժնի վարիչ (1965-73), «Եկրան» ամսագրի գլխավոր խմբագիր (1973-81):

Պատմում են, որ Աղասին ստեղծագործողին բնորոշ հակասական կերպար էր ու ամեն ինչ անում էր նվիրյալի ինքնամոռաց անհավակնոտությամբ՝ անընդմեջ հայտնվելով արտաքին շրջապատի եւ իր ներքին աշխարհի հակադրության բովուժ. «Դոստոևսկու հերոսի նման՝ ես ապրում էի նաեւ իմ ուղեղում, եւ դա հետաքրքիր, հագեցած կյանք էր: Այսօր ես չգիտեմ՝ ո՞ր կյանքն է ավելի իրական. այն, որ գլխումս է, թե՞ այն, որ դրսումն է», - ասում է նա «Եղած-չեղածը մի կյանք» հուշագրության

մեջ: Կյանքի 8-րդ տասնամյակում անցածին անդրադառնալիս՝ Աղասին ասել է, թե ուրախ է, որ ապրած տարիներից 40-ն ապրեց Վրաստանում, 40-ը՝ Հայաստանում, որ Երեւանում էլ ապրելիս՝ իրեն թիֆլիսցի է համարել:

Աղասի Այվազյանն իր կարելու ներդրումը բերեց նախեւառաջ հայ արձակին: Այվազյանական արձակը հայ գրականության մեջ հերոսների եւ գաղափարական լուծումների իր որակով անսովոր ու նոր տեսակ էր, ուր մարդ-աշխարհի մշտնջենական կապն իր մշտնջենական դրամատիկ հակադրության մեջ ներկայացվեց: Եվ դա արվեց Այվազյանական փիլիսոփայությամբ ու ձեւաչափով:

20-րդ դարի հայ մտավորականության ամենավառ դեմքերից մեկը համարվող Աղասի Այվազյանը ինքնատիպ է նաեւ կինեմատոգրաֆիայի ժամրում: Նրա ռեժիսորական նկարահանումները, որ իրականացվել են առավելապես իր արձակի հենքով ու սեփական սցենարներով, նոր որակ հաղորդեցին հայ կինոյին: 1967-ին «Հայֆիլմ» կինոստուդիայում նրա սցենարով նկարահանվեց հանդիսատեսի կողմից սիրված «Եռանկյունի» կինոնկարը: Նրա ռեժիսորական աշխատանքներից են «Կովկասյան էսպերանտո» սեփական պատմվածքի սցենարով նկարահանած, «Լիրիկական երթը» կինոժապավենը, հայտնի գեղանկարիչ, ծնունդով Վրաստանի Բոգդանովկայի շրջանի (այժմ՝ Նիոնոմիդիա) խոջաբեկ գյուղից, Վանո խոջաբեկյանի անսովոր ճակատագրի մասին պատմող, «Վանոն եւ գորդավոյը» պատմվածքի հենքով ստեղծած, «Վառած լապտեր» կինոնկարը: 2004թ-ին Երեւանի Հ.Պարոնյանի անվան երաժշտական կոմեդիայի թատրոնում բեմադրվեց Այվազյանի, ըստ Չարենցի՝ «Երեւանի ուղղիչ տնից» վիպակի գրված, Չա-



րենցի կենսագրական դրաման:

Նա սովորաբար պատմող էր ոչ միայն իր գրական գործերում: «Իր գեղանկարչական բոլոր աշխատանքները դիտորդի հետ երկխոսության մեջ են. դրանք դիտողին դրդում են մի քիչ ավելի երկար կանգնել՝ հասկանալու համար «ասելիքը», - նշում են կերպարվեստի գիտակները: Ու թերեւս հենց այդ՝ «ասելիքի» համաձայնագրայնությունն է, որ Աղասի Այվազյան ստեղծագործողի ողջ ժառանգությունը հասու է դարձնում նաեւ ողջ մշակութային աշխարհին:

Ինքնամիտի արվեստագետը գիտեր ընտանիքի արժեքը: Ապագա կնոջը՝ Գրետային, ով, ի դեպ, Աղասի Այվազյան գրողի նվիրյալ ընթերցողներից էր, նա համդիպում է բավականին հասուն տարիքում: Ու թեւս ամուսինները չարժանացան իրենց բաղձանքին ժառանգ ունենալու երջանկությամբ, սակայն ապրեցին՝ նախախնամության կամոք իրար գտած երկու կեսերի ներդաշնակ երջանկությամբ: Ամուսնու մահից հետո, Գրետան գրական շրջանակներում կազմակերպում է նրա գործերի վերընթերցումներ հենց Գրետայի շնորհիվ, 2015-ին Երեւանում բացվեց Աղասի Այվազյանի թանգարանը:

Այվազյանը վախճանվեց 2007թ., Երեւանում, 82 տարեկանում՝ թողնելով գրական եւ, առհասարակ, մշակութային հարուստ ժառանգություն:

Ներկայացնում ենք նրա պատմվածքներից մեկը:

ՋՈՒԼԻԵՏԱ ԲԱՊԱՆՅԱՆ

ՈՏԱՎՈՐԸ

թողեց հեռացավ: Մեկն ասաց.

- Որ գիրք կարդաս, կիմանաս, որ այս հողը երկար ժամանակ պարսիկների ձեռքին է եղել...

- Չէ՛, - հաստատեց ոտավորը:

- Մենակ պարսիկներ՞ը,- գրգռված զարմացավ մարդը:- Էլ ով ասես չի եղել. ոտնատակ են արել էս կողմի բոլոր գյուղերը...

- Էս հողի վրա օտարը ոտք չի դրել...

- Ինչո՞ւ անպայման էս 10-ը մետրը,- ասաց գյուղացին:

- Լա՛վ... մարդ գտա՞ք խոսելու...

Ութամյա դպրոցի ուսուցիչը ջղայնացել էր նրա համառության վրա, համբերում էր, որ չհայիոյի, ու կրունկով գետիցն էր փորում:

- Բա՞ն գիտես,- հարցրեց խմորոտ ձեռքերով կինը:

- Էդ ինչո՞ւ ես էդպես համոզված,- ասաց գավառցի հովեկը:

- Օտարի ոտք չդրած մի պատառ հող որ չլիներ, բա ո՞նց կմնար էսքան աշխարհը... Մի փոքրիկ տեղ պիտի մնար, որ դառնար Հայաստան: Սա է՛ էդ հողը... - նա նորից նշեց տեղը,- էս հողի վրա թշնամին ոտք չի դրել...

Սովորական հող էր, հայկական, քարքարոտ: Ու մարդիկ մի տեսակ, առանց հավատալու, հավատացին: Բոլորն զգացին, որ զարմանալի, թե ծիծաղելի ճշմարտություն կա նրա ասածի մեջ:

Ոտավորը համբուրեց գետինը, մի բուռ հող լցրեց ծոցը եւ վերադարձավ տուն:

Մարդիկ մայեցին նրա ետեւից, հետո օղակեցին հողակտորը եւ երկար ու լուռ մայում էին, ինչպես կնայեին հուշարձանի:

ԱՂԱՍԻ ԱՅՎԱԶՅԱՆ

Գործի, ընտանիքի մարդ, գյուղացի, հազար ու մի հոգսով, երբեք ուրիշ տեղ գնալու ժամանակ չէր գտել, հիմա դուրս եկավ պտտելու: Որոշել էր ոտքով ման գալ եւ տնողել ամբողջ Հայաստանը. դա այնքան էլ դժվար բան չէր: Ոմն թոշակառու մի քանի տարում Սովետական Միությունն իր բոլոր հանրապետություններով՝ աջ եւ ձախ, ձախ եւ աջ, վեր ու վար, վար ու վեր չափեց-ձեւեց: Ո՛ւր մնաց Հայաստանը...

Այս հայ ոտավոր ճանապարհորդը կարգին ման եկավ հանրապետությունում, հետո Բջնիի, թե Օշականի մոտակայքում կանգնեց, նշան արեց մի տասը մետր հող ու համոզված ասաց.

- Էս հողին օտարի ոտք չի դիպել:

Հավաքվեցին մի քանի գյուղացի, մի խմորոտ ձեռքերով կին, մի գավառցի հովեկ, ծուլորեն ծիծաղեցին՝ քի՛չ ծուռ կա Հայաստանում: Մի գործարար մարդ տուտփուտ

COVID - 19

ՔԱՅԼԵՐ՝ ՀՈՍՊԻՏԱԼԱՅԻՆ ՀԱՏՎԱԾԻ ԳԵՐԲԵՌՆՎԱԾՈՒԹՅՈՒՆԻՑ ԽՈՒՄԱՓԵԼՈՒ ՀԱՄԱՐ

(Սկիզբը՝ 1-ին էջում)

Նշվել է, որ այս առումով անհրաժեշտ է հոսպիտալացնել միայն ծանր հիվանդներին, մինչդեռ մեղմ դեպքերի բուժումը պետք է շարունակվի տանը՝ ընտանեկան բժշկի հետ խորհրդակցելով կամ կոփիոդիուրա-նոցներում, որտեղ ապահովված է վարակվածների բժշկական հսկողությունը:

Հանդիպմանը համատեղ նշվել է, որ շարժունակությունը նվազեցնելու համար անհրաժեշտ են լրացուցիչ կետային սահմանափակումներ: Ընդգծվեց նաև, որ խոսքը համընդհանուր արգելափակման մասին չէ:

Շեշտը դրվեց նաև պաշտպանիչ դիմակ կրելու և սոցիալական հեռավարություն պաշտպանելու վրա, ինչը օգնում է կանխել վարակի տարածումը:

Կառավարության աշխատակազմի մանուլի ծառայության հաղորդմամբ, հանդիպ-

մանը մասնակցել են Վրաստանի փոխվարչապետ, տարածաշրջանային զարգացման եւ ենթակառուցվածքների նախարար Մայա Ցքիսիշվիլին, առողջապահության նախարար Էկատերինե Տիկարաձեն, ֆինանսների նախարար Իվանե Մաճավարիանին: Քննարկմանը մասնակցում էին Վրաստանի հիվանդությունների վերահսկման եւ հանրային առողջության ազգային կենտրոնի փոխնախագահ Պաաստա Իմնաձեն, վարակաբան Մայա Բուժաշվիլին, առողջապահության փորձագետ Ակակի Ջոիձեն, ինունուղոգալերոլոգ Բիժինա Կոլունբեզովը, վարակաբան Գիորգի Կանդելակին, բժիշկներ Գիորգի Գոցաձեն եւ Ջուրաբ Գուրուլին: Շվեյցարիայից տեսակապի միջոցով հանդիպմանը միացան ՄԱԿ-ի գլխավոր քարտուղարի առողջապահության հարցերով խորհրդական Գիորգի Փիակաձեն, ինչպես նաև Էստոնիայում աշխատող փորձագետ Ջազա Օերեթելին:

ՏԵՂԵԿԱՏՎԱԿԱՆ ՀԱՐԹԱԿ՝ ԸՆՏԱՆԵԿԱՆ ԲԺՇԿԻ ԵՎ ԱՌԱՋՆԱՅԻՆ ԱՌՈՂՋԱՊԱՀՈՒԹՅԱՆ ՀԱՍՏԱՏՈՒԹՅԱՆ ԿՈՆԿՐԵՏԱՑՄԱՆ ՀԱՐՑՈՎ

Նոյեմբերի 17-ից գործարկվել է քաղաքացիների տեղեկատվական նոր հարթակը՝ <http://ambulatoria.moh.gov.ge/>, ինչը հնարավորություն է ընձեռում մանրամասն տեղեկատվություն ստանալ ընտանեկան բժշկի ինքնության եւ առաջնային առողջապահության հաստատության մասին:

Տեղեկատվական հարթակում նշելով անձնական համարը՝ քաղաքացին կարող է պարզել, թե առաջնային առողջապահության որ հաստատությունում է ինքը գրանցված եւ ստանալ տեղեկատվություն այն ընտանեկան բժշկի մասին, ով հետեւելու է նրա առողջության վիճակին:

Եթե քաղաքացին օգտվում է համընդհանուր առողջապահության ծրագրից,

ապա անհրաժեշտության դեպքում ինքը դիմելու է ընտանեկան բժշկին կամ բժշկական այն հաստատությանը, որտեղ գրանցված է:

Եթե քաղաքացին օգտվում է մասնավոր ապահովագրությունից, ապա դիմելու է ապահովագրական ընկերության ընտանեկան բժշկին:

Եթե քաղաքացին չի օգտվում համընդհանուր առող-

ջապահության ծրագրից եւ մասնավոր ապահովագրական ընկերությունների սպասարկումներից, կամ համընդհանուր առողջապահության ծրագրի բենեֆիցար է, սակայն բժշկական ոչ մի հաստատությունում գրանցված չէ, այդ դեպքում նա պետք է 1505 թեթ հեռախոսահամարով զանգահարի առողջապահության նախարարություն:

Ավելացնենք, որ տեղեկատվական հարթակի գործարկման նպատակը 112 հեռախոսահամարով իրականացվող հեռախոսազանգերի թվի նվազեցումն է եւ բժշկական սպասարկման որակի բարելավումը:

ԿՈՐՈՆԱՎԻՐՈՒՄԻՑ ՄԱՐԱՑԵԼ Է ՍԱՄՑԻՆԵ-ՋԱՎԱԽԵԹԻ ԾՏԱՊ ՕԳՆՈՒԹՅԱՆ ՊԵՏԸ

Ինչպես տեղեկացրել է Սամցխե-Ջավախեթիի TV9 հեռուստաալիքը նոյեմբերի 18-ին մահացել է Սամցխե-Ջավախեթիի շտապ օգնության պետը: Թամազ Կաճկաճիշվիլու մոտ կորոնավիրակ էր հաստատվել 3 շաբաթ առաջ: Այս ընթացքում նա բուժում է ստացել Թբիլիսիի համալսարանական


հիվանդանոցում:

«Երեկ ուշ գիշերին նրա առողջական վիճակը բարդացել է, եւ նա մահացել է»,- հայտնել են Արտակարգ իրավիճակների կենտրոնի մամուլի ծառայությունից:

Թամազ Կաճկաճիշվիլին հաստատությունում աշխատում էր 2014 թվականից:

ԿՈՐՈՆԱՎԻՐՈՒՄ. ԱՇԽԱՐՀՈՒՄ ՎԱՐԱԿՎԱԾՆԵՐԻ ԹԻՎԸ ՀԱՄՆՈՒՄ Է 60 ՄԻԼԻՈՆԻ ՇԵՄԻՆ

COVID-19-ի հաստատված դեպքերի թիվն աշխարհում անցել է 57 329 միլիոնից: Կորոնավիրուսի հետազոտական կենտրոնների տվյալների համաձայն, մահացածների թիվը գերազանցել է 1 367 499 հազարը: Ապաքինվել է 39 միլիոն 808 715 մարդ:



Վիրուսով վարակվածների թվով աշխարհում առաջին տեղում է ԱՄՆ-ը, որտեղ կա հաստատված 12 072 560 դեպք: Այստեղ մահացածների թիվը 258 354 է: Երկրորդ տեղում Չնդկաստանն է, որտեղ հաստատված դեպքերի թիվը հասել է 9 006 079-ի, մահացածներինը՝ 132 223-ի: Վարակվածների թվով հաջորդ տեղում Բրազիլիան է, որտեղ վարակվել է 5 983 089, մահացել՝ 168 141 մարդ: Ֆրանսիայում կորոնավիրուսով վարակվել է 2 086 288, վարակի հետեւանքով մահացել՝ 47 127 մարդ: Ֆրանսիային

հաջորդում են Ռուսաստանը, Իսպանիան, Մեծ Բրիտանիան, Արգենտինան, Իտալիան եւ Կոլումբիան:

Հայաստանում, ընդհանուր առմամբ, վարակվածների թիվը հասնում է 123 646-ի, մահացածներինը՝ 1 900-ի, ապաքինվածներինը՝ 90 754-ի:

Ադրբեջանում վարակվածների թիվը կազմում է 83 994 մարդ: Վարակից մահացել է 10536, ապաքինվել 59 465 մարդ:

Վերջին տվյալներով, Վրաստանում վարակվել է 96 860, մահացել՝ 894, ապաքինվել՝ 77 932 մարդ:

«ՄԵՐ ՏՆՏԵՍՈՒԹՅՈՒՆԸ ԱՐԳԵԼԱՓԱԿՄԱՆԸ ՉԻ ԴԻՄԱՆԱ»

Վրաստանի կառավարության նստավայրում երկրի վարչապետի եւ առողջապահության ոլորտի մասնագետների հետ հանդիպման ավարտից հետո, Հիվանդությունների վերահսկման ազգային կենտրոնի ղեկավար Ամիրան Գամդրելիձեն հայտարարեց, որ Վրաստանում սահմանված սահմանափակումներն է՛լ ավելի կխստացվեն:



- Երկրում որոշակի սահմանափակումներ են մտցվել, որոնք է՛լ ավելի կխստանան: Մենք չենք քննարկում ամբողջական փակում, որը Չինաստանն իրականացրել էր Ուխունակ: Քննարկվում են լուրջ սահմանափակող միջոցներ, որոնց մի մասը հաստատված է, իսկ ոմանք է՛լ ավելի կխստացվեն, չնայած միայն սահմանումը կարելու չէ, կարելու է դրա կատարումը: Շատ կարելու է որոշակի սահմանափակումներ մտցնել, բայց

կարելու է նաև դրա կատարման նկատմամբ ավելի շատ վերահսկողությունը,- հայտարարել է Ամիրան Գամդրելիձեն:

Իր հերթին, հիվանդությունների վերահսկման եւ հանրային առողջության ազգային կենտրոնի

վիճակում այլևս բավարար չեն: Անհրաժեշտ է, այսպես ասած, ավելի կետային սահմանափակումներ մտցնել: Մենք պարզապես չենք կարող ներկայումս արգելափակում հայտարարել, մեր տնտեսությունը չի դիմանա դրան, սակայն կետային սահմանափակումները պետք է



ընդլայնվեն, մենք բոլորս դրան համաձայնության ենք եկել: Սա մեզ թույլ կտա նվազագույն կորուստներով դուրս գալ այս պատերազմից:

- Մենք բոլորս համաձայն ենք, որ երկրում գոյություն ունեցող սահմանափակումներն այս իրա-

COVID-19. ԻՆՉՊԵՆ ԲՈՒԺՎԵԼ ՏԱՆԸ ԹԵԹԵՎ ԸՆԹԱՑՔԻ ԴԵՊՔՈՒՄ

COVID-19 թեթև դեպքերի տանը բուժման կազմակերպման ժամանակ առողջության առաջնային պահպանման օղակի (պոլիկլինիկաներ) բուժաշխատողների կողմից կատարվում է ռիսկի գնահատում, բուժառուի տրամադրվում է խորհրդատվություն վարակի փոխանցումը կանխելու եւ նախազգուշական միջոցառումների վերաբերյալ:

Բժշկի ցուցումով օրական 2 անգամ կատարվում է բուժառուի եւ խնամողի ջերմաստիճան: Բժիշկը հեռախոսազանգերի կամ այցելությունների միջոցով գնահատում է պացիենտի եւ խնամողի առողջական վիճակը: Անհրաժեշտության դեպքում, բժիշկը ուղեգրում է ախտորոշիչ հետազոտությունների (ռենտգեն, թեստավորում):

Ինչպես հայտնում են Վրաստանի առողջապահության նախարարությունից, վարակի փոխանցումը կանխելու նպատակով անհրաժեշտ է սահմանափակել պացիենտի տեղաշարժը տանը, նվազագույնի հասցնել ընդհանուր տարածքների օգտագործումը կամ մեկուսացնել՝ վերջինիս տրամադրելով լավ օդափոխվող սենյակ: Պետք է պահպանել բուժառուից առնվազն 1-2 մետր հեռավորություն: Սահմանափակել բուժառուի խնամողների թիվը եւ այ-

ցելուներ չընդունել:

Բուժառուի խնամքը պետք է իրականացնել անհատական պաշտպանիչ միջոցներով: Նրա հետ նույն սենյակում գտնվող խնամողին անհրաժեշտ է ապահովել պաշտպանիչ դիմակով: Դիմակը խոնավանալու դեպքում, պետք է անմիջապես փոխարինել նոր, մաքուր եւ չոր դիմակով կամ փոխել առնվազն 3 ժամը մեկ: Նաեւ պետք է կրել մեկանգամյա օգտագործման ձեռնոցներ: Դիմակներն ու ձեռնոցներն օգտագործել միայն մեկ անգամ:

Ձեռնոցները, դիմակները եւ տնային խնամքի ընթացքում առաջացած այլ թափոնները պետք է պահել բուժառուի սենյակում փակվող աղբամանի մեջ՝ նախքան այն որպես թափոն հեռացնելը:

Բուժառուի կամ նրա շրջակա միջավայրի հետ ցանկացած շփումից հետո,

սնունդ պատրաստելուց առաջ եւ հետո, ուտելուց առաջ, սանհանգույցից օգտվելուց հետո պետք է լվանալ ձեռքերն օժառով: Եթե ձեռքերը տեսանելիորեն կեղտոտ չեն կարելի է շփել ալկոհոլային հիմքով ախտահանիչով: Լվացվելուց հետո նախընտրելի է ձեռքերը չորացնել մեկանգամյա օգտագործման անձեռոցիկով:

Ոչ մի դեպքում չի կարելի օգտագործել բուժառուի պարագաները (ատամի խոզանակ, ծխախոտ, սպասք, ուտելիք, ընպելիք, սրբիչներ, կտորներ կամ սպիտակեղեն):

Պետք է հաճախակի մաքրել եւ ախտահանել բուժառուի շրջակայքում գտնվող մակերեսները, լոգարանը եւ սանհանգույցը. օգտագործել կենցաղային օժառ կամ լվացքի փոշի, պարզաջրելուց հետո օգտագործել 0,1% նատրիումի հիպոքլորիդ (քլոր) պարունակող սովորական կենցաղային ախտահանիչ: Բուժառուի կեղտոտ սպիտակեղենն անհրաժեշտ է առանձնացնել փակվող տարայի մեջ: Հագուստը,



սպիտակեղենը, լոգանքի եւ ձեռքի սրբիչները լվանալ լվացքի օժառով կամ լվացքի մեքենայով՝ սովորական կենցաղային լվացքի փոշիով՝ 60-90 Ծ ջերմաստիճանի պայմաններում եւ լավ չորացնել:

Մակերեսները մաքրելիս եւ աղտոտված հագուստը կամ սպիտակեղենը մշակելիս՝ պետք է կրել ձեռնոցներ եւ պաշտպանիչ հագուստ: Օգտագործելուց հետո, կենցաղային ձեռնոցները լվանալ օժառով եւ ախտահանել քլորի 0,1 տոկոսանոց լուծույթով:

Էջը պատրաստեց ԱՐԵՎԻԿԱ ՄԱՆՈՒԿՅԱՆԸ

ՀԱՅԱՍՏԱՆ - ԱՐՅԱԽ. Փաստեր, իրադարձություններ

«ՎՐԱՍՏԱՆԻ», ԱՐՄԵՆՊՐԵՍԻ, ՊԱՆԱՐՄԵՆԻԱՆԻ ԵՎ ԿԱԿԱԶՊՐԵՍԻ ՆՅՈՒԹԵՐՈՎ

ՆԻԿՈԼ ՓԱՇԻՆՅԱՆ. «ԵՍ ԵՄ ԱՅՆ ԹԻՎ ՄԵԿ ՊԱՇՏՈՆՅԱՆ, ՈՐ ՏԵՂԻ ՈՒՆԵՅԱԾԻ ՀԱՄԱՐ ՊԱՏԱՍԽԱՆԱՏՎՈՒԹՅՈՒՆ Է ԿՐՈՒՄ»



(Սկիզբը՝ 1-ին էջում)

Հայաստանի վարչապետը նշել է, որ տեղի է ունեցել հետեւյալը: 2018 թվականի մայիսի դրությամբ, բանակցային գործընթացը հատել էր չվերադառնալիության կետը, երբ, ըստ էության, հարցը մտել էր տարածքներ ոչնչի դիմաց տրամաբանության փուլ:

- Նման պարագայում կա երեք տարբերակ. կամ այդ մարդիկ մարգարե են, կամ ես՝ կառավարությունը դավադիր, կամ էլ նրանք այդ ժամանակ իմացել են, թե որ կետի վրա է մնացել Ղարաբաղի հարցի բանակցային գործընթացն ու ուր է հասել: Հիմա իմ վարած քաղաքականությունն այդ համատեքստում եղել է հետեւյալը, փորձել չհամաձայնվել այդ ամեն ինչի հետ, փորձել փոխել տրամաբանությունը: Եվ, ըստ էության, կարող ենք ասել, որ, ցավոք, դա մեզ չի հաջողվել, որովհետեւ կանգնած էինք մի իրավիճակի առաջ, երբ եղել է միջազգային կոնսենսուս, որ տարածքները հանձնվեն Ադրբեյջանին առանց որեւէ նախապայման:

նի: Եվ մենք, այո՛, չենք կարողացել փոխել այդ տրամաբանությունը եւ, գուցե, փոխելու հնարավորությունները ճիշտ չենք գնահատել: Մյուս կողմից, եթե ճիշտ չէինք գնահատել, ի՞նչ պետք է անեինք, համակերպվե՞ինք այդ իրականության հետ: Ես չեի կարող դրա հետ համակերպվել եւ փորձել եմ Հայաստանի դիմադրողականությունն այդ հարցի վերաբերյալ բարձրացնել: Փորձել եմ ամեն ինչ անել, որ ՁՈՒ զինվածության մակարդակը չափանորմեր բարձրանա, ասել է Նիկոլ Փաշինյանը:

ՀՀ վարչապետն անդրադարձավ իրեն ուղղված մեղադրանքներին՝ նշելով, որ դրանք միմյանց հակադարձում են:

- Համ մեղադրում են հանձնելու, համ մեղադրում են չհանձնելու համար: Մեր բանակը, մեր զինված ուժերը կռվել են, դիմադրել այնքան ժամանակ, մինչև այն ունեցել է կոնկրետ ռազմավարական, մարտավարական իմաստ ու նպատակ: Մեզ մյուս կողմից էլի մեղադրում են հակադարձ բաներում: Մեզ մեղադրում են, որ պատերազմի ընթացքում զոհեր են եղել, մեղադրում են, որ մենք զոհերից խուսափելու համար 20-35 հազար մարդկանց շրջափակումը թույլ չտալու համար գնացել ենք այդպիսի քայլերի: Այս ամենի պատասխանատվությունն իմն է, բայց դա լիարժեք կրելու համար հարկ եմ համարում, որ հանրության համար բոլոր հանգամանքները պարզաբանվեն, ընդգծել է Նիկոլ Փաշինյանը:

ԱՐԱ ԱՅՎԱԶՅԱՆԸ՝ ՀԱՅԱՍՏԱՆԻ ԱՐՏԱՔԻՆ ԳՈՐԾԵՐԻ ՆԱԽԱՐԱՐ

Հայաստանի նախագահի նոյեմբերի 18-ի հրամանագրով, Արա Այվազյանը նշանակվել է Հայաստանի արտաքին գործերի նախարար:

51-ամյա Արա Այվազյանը 1986-1993 թթ. սովորել է ավարտել է ԵՊՀ արել-ելագիտության ֆակուլտետի արաբական բաժինը (1987-1989 թթ. ծառայել է խորհրդային բանակում): 1994 թվականին ավարտել է Բեյրութի Հայկազյան համալսարանական քոլեջի քաղաքագիտության ֆակուլտետը: 1995թ. աշխատել է ՀՀ Արտաքին գործերի նախարարությունում՝ զբաղեցնելով տարբեր պաշտոններ: 1996-2018 թթ. եղել է Դանիայում, Շվեդիայում, Լիտվայում, Պանամայում, Կուբայում եւ մի շարք

այլ երկրներում Հայաստանի արտակարգ եւ լիազոր դեսպանը: 2020 թվականի հոկտեմբերի 16-ին ՀՀ վարչապետի հրամանագրով նշանակվել է ՀՀ արտաքին գործերի նախարարի տեղակալ:

Նշենք, որ նոյեմբերի 16-ին Հայաստանի արտաքին գործերի նախարար Զոհրաբ Մնացականյանը հրաժարականի դիմում էր ներկայացրել: Արտաքին գործերի նախարարի տեղակալի պաշտոնից ազատվել է նաեւ Շավարշ Քոչարյանը՝ սեփական դիմումի համաձայն: Նա այդ պաշտոնը զբաղեցնում էր 2008 թվականից:



ՎԼԱԴԻՄԻՐ ՊՈՒՏԻՆ. «...ՓԱՇԻՆՅԱՆԻ ՂԱՎԱՃԱՆՈՒԹՅԱՆ ՄԵՋ ՄԵՂԱԴՐԵԼՆ ԱՆՉԻՄՆ Է»

Նոյեմբերի 17-ին Ռուսաստանի նախագահ Վլադիմիր Պուտինը «Ռոսիա - 24»-ի հետ հարցազրույցում մամրամասն խոսել է Լեռնային Ղարաբաղի շուրջ ծավալված իրադարձությունների, եռակողմ հայտարարությանը նախորդող իրավիճակի մասին:

Նրա խոսքով, ազգին ուղղված իր դիմումում Հայաստանի վարչապետը ռազմական դրության ծանր վիճակի մասին ասել է ողջ ճշմարտությունը:

- Իրավիճակը ծանր էր, հենց այնպիսին, ինչպես Փաշինյանն է ասել, ես ավելացնելու բան չունեմ,- հայտարարել է ՌԴ նախագահը:

Անդրադառնալով Հայաստանի ներքաղաքական վիճակին եւ Փաշինյանի հրաժարականի պահանջներին՝ Պուտինն ասել է, որ Հայաստանը սուվերեն երկիր է եւ պետք է իր խնդիրները ինքնուրույն լուծի:

- Բայց կարող եմ ասել իմ կարծիքը՝ ռազմական դրության մեջ երկիրը չի կարող իրեն թույլ տալ պահել այնպես, որ հանրությունը ներսից պառակտվի: Դա անթույլատրելի է եւ վտանգավոր, ասել է Պուտինը:

Պատասխանելով այն հարցին, թե Հայաստանում ստեղծված իրավիճակի պատճառը Ռուսաստանի նկատմամբ վարչապետ Նիկոլ Փաշինյանի դիրքորոշումն է՝ ՌԴ նախագահը նշել է, որ երբեք կողմ չի եղել փողոցների միջոցով քաղաքական հարցերը լուծելուն, բայց, չնայած, որ միշտ լավ հարաբերությունների մեջ է եղել հեղափոխության ճանապարհով Հայաստանի ղեկավար դարձած Նիկոլ Փաշինյանի հետ:

- Ես չեմ հասկանում, թե ինչ նկատի ունեն: Հայաստանի հետ մեր փոխհարաբերություններում վերջին շրջանում ոչ մի յուրահատկություններ ես չեմ նկատում, այդ թվում՝ այն ժամանակահատվածում, երբ իշխանության է վարչապետ Փաշինյանը: Այո՛, ես լավ հարաբերություններ ունեի նախորդ ղեկավարության հետ... Սակայն, դա ոչ մի կերպ չի ազդել մեր միջպետական կապերի վրա, որովհետեւ նաեւ մեր ամենական հարաբերությունները բավականաչափ վստահելի ու կառուցողական են: Դրա համար ինձ այդ ակնարկներն այնքան էլ հասկանալի չեն,- նշել է ՌԴ նախագահը:

Խոսելով Շուշիի մասին ՌԴ նախագահը ասել է, որ քա-

ղաքի հանձնման հարցը երբեք չի դրվել:

- Հոկտեմբերի 19-20-ին, երբ Ադրբեյջանի զինված ուժերը վերահսկում էին Հարավային Ղարաբաղի ոչ մեծ հատվածը, ինձ հաջողվեց Ալիևին համոզել դադարեցնել ռազմական գործողությունները: Նրա կողմից պարտադիր պայման դրվեց, որ փախստականները վերադառնան Շուշի: Եվ սակայն ինձ համար անսպասելի հայկական գործընկերների կողմից սա համարվեց անընդունելի: Փաշինյանն ուղղակի հայտարարեց, որ դրանում տեսնում է սպառնալիք Հայաստանի եւ Ղարաբաղի շահերին: Հայաստանի վարչապետն անմիջականորեն ասաց, որ մենք դրա հետ համաձայնվել չենք կարող, եւ մենք կպայքարենք: Ուստի նրա հասցեին դավաճանության մեղադրանքները անհիմն են,- հայտարարեց Պուտինը:

Անդրադառնալով խաղաղապահների թեմային՝ Վլադիմիր Պուտինը հայտարարեց, որ Մոսկվային հաջողվել է համոզել Ադրբեյջանին ու Թուրքիային, որ պետք չէ նախադրյալներ ստեղծել եւ խափանել Լեռնային Ղարաբաղի վերաբերյալ պայմանավորվածությունները:

- Ինչ վերաբերում է խաղաղապահների առաքելությանը, ապա, այո՛, իսկապես ե՛լ Ադրբեյջանը, ե՛լ Թուրքիան միշտ խոսել են խաղաղապահ գործողություններում Թուրքիայի մասնակցության հնարավորության մասին: Ես ամեն դեպքում կարծում եմ, հաջողվել է համոզել մեր թուրք գործընկերներին ու Ադրբեյջանում մեր գործընկերներին, որ պետք չէ պայմաններ ստեղծել, որոնք կարող են խափանել մեր պայմանավորվածությունները: Այնպիսի պայմաններ, որոնք կարող էին պայմանավորվող կողմերից մեկին հրահրել ինչ-որ ծայրահեղ մեթոդների եւ ծայրահեղ գործողությունների,- նշել է Պուտինը եւ մամրամասնել, որ նկատի ունի անցած տարիների շատ ծանր ժառանգությունն ու այն, ինչ կապված է Առաջին համաշխարհային պատերազմի տարիներին տեղի ունեցած ողբերգական եւ արյունալի իրադարձությունների ու Ցեղասպանության հետ:

ԱՐՄԵՆ ՍԱՐԳՍՅԱՆԸ՝ ԱՐՏԱՅԵՐԸ ԽՈՐՀՐԴԱՐԱՆԱԿԱՆ ԸՆԴՐՈՒԹՅՈՒՆՆԵՐԻ ԿՈՂՄԵՍԿԻՑ

Հայաստանի նախագահ Արմեն Սարգսյանը հայտարարել է, որ երկրում պետք է անցկացվեն արտահերթ խորհրդարանական ընտրություններ:

- Մենք մեզ պարտադրված պատերազմում պարտվել ենք ինչպես ռազմի դաշտում, այնպես էլ՝ դիվանագիտական ու միջազգային ասպարեզներում: Ճակատամարտում կարող ես պարտվել, բայց որպես ազգ պարտվելն անթույլատրելի է: Մեր երկիրն այլևս այն չէ, ինչ եղել է սեպտեմբերի 26-ին կամ նոյնիսկ նոյեմբերի 8-ին: Վերջին օրերին ես տասնյակ քաղաքական խորհրդակցություններ եմ անցկացրել տարբեր խորհրդարանական եւ արտախորհրդարանական ուժերի հետ: Բացարձակապես բոլորը միավորված են մեկ հարցում՝ վարչապետի հրաժարական եւ արտահերթ խորհրդարանական ընտրություններ: Հնարավոր է վերականգնել մեր այրված տունը եւ կորցրած հայրենիքը մեկ եղանակով՝ վերականգնել մեր հաղթանակն ու կառույցը մի պետություն, որով մենք իսկապես կհպարտանանք,- հայտարարել է Արմեն Սարգսյանը:

ՀԻՆԳ ԶԱՊԱԶԱԿԱՆ ԳՈՐԾԻՋՆԵՐԻ ՆԵՐՎԱՅԱՅՎԵԼ Է ՄԵՂԱԴՐԱՆԵ

Հայաստանի հատուկ քննչական ծառայությունը մեղադրանք է առաջադրել Հայ Յեղափոխական Դաշնակցության անդամ Գեղամ Սանուկյանին, Հայաստանի Հանրապետական կուսակցության մամուլի խոսնակ Էդուարդ Շարմազանովին, «Հայրենիք» կուսակցության խորհրդի անդամ Արսեն Բաբայանին, «Մեկ Հայաստան» կուսակցության նախագահ Արթուր Ղազինյանին ու «Ազգային անվտանգություն» կուսակցության նախագահ Գառնիկ Իսազուլյանին:

Նրանց մեղադրանք է առաջադրվել ՀՀ քրեական օրենսգրքի 2251 1-ին մասով (օրենքով սահմանված կարգի խախտմամբ հավաք կազմակերպելն ու անցկացնելը): Նրանց նկատմամբ որպես խափանման միջոց է ընտրվել սպորտազորությունը չհեռանալու մասին:

Ավելացնենք, որ Հայաստանի ազգային անվտանգության դեպարտամենտի կողմից ազգային ժողովի եւ կառավարության շենքում գույքը վնասելու մեղադրանքով կալանավորվել է 10 անձ:

ԱՐՅԱՆԻ ԲԵՍԱԿԻՋՆԵՐԸ ՎԵՐԱՊՈՐՏՈՒՄ ԵՆ ԻՐԵՆՑ ՏԵՐԸ

Ինչպես տեղեկացրել է Ռուսաստանի պաշտպանության նախարարությունը, Հայաստանից նոյեմբերի 19-ին եւս 1235 փախստական է վերադարձել Լեռնային Ղարաբաղ:

Ռուսական խաղաղապահ կոնսիդերանտի պարեկային խմբերի եւ ռազմական ոստիկանության ուղեկցությամբ, 27 ավտոբուս երեւանից ժամանել է Սյունիքի մարզի գլխավոր հրապարակ:

Նշվում է, որ նոյեմբերի 14-ից սկսած Սյունիքի մարզի վերադարձել շուրջ 4 հազար մարդ, ով նախկինում լքել էր իր տունը:

ՌԻՏԱ ՍԱՐԳՍՅԱՆԻ ԱՌՈՂՁԱԿԱՆ ՎԻՃԱԿԸ ՏՍԵՐԱՇԵՂ ՏՄԵՐ Է

Հայաստանի երրորդ նախագահ Սերժ Սարգսյանի կինը՝ Ռիդա Սարգսյանը, ծայրահեղ ծանր վիճակով տեղափոխվել է «Նաիրի» բժշկական կենտրոն:

Տեղեկատվության համաշայն, նա գրավում է վերականգնանալու բաժանմունքում: Լրագրված միջոցներում հայտնված տեղեկության համաշայն, Ռիդա Սարգսյանի մոտ ախտորոշվել է COVID-19:

ԵԿԵՂԵՑԱԿԱՆ

ՆՈՅԵՄԲԵՐ

23.11.2020 Սուրբ Դուկանե եւ Վասիլուհի կույսերի հիշատակության օր



24.11.2020 Սուրբ Դուկանոս քահանայի, Տարագրոս, Պրորոս եւ Անդրոնիկոս վկաների, եւ Սուրբ Պողոս առաքյալի աշակերտ Ոնեսիմոսի հիշատակության օր

28.11.2020 Սուրբ Առաքյալների եւ մեր առաջին լուսավորիչներ Թադեոսի եւ Բարդուղիմեոսի հիշատակության օր

Սուրբ Թադեոսը եւ Սուրբ Բարդուղիմեոսը Քրիստոսի անխոնջ 12 առաքյալներից էին, որոնք գալով Հայաստան՝ քրիստոնեությունը քարոզեցին հայ ժողովրդին՝ արժանանալով «առաջին լուսավորիչներ» կոչմանը:

Հայ Առաքելական Եկեղեցին Սուրբ Առաքյալների եւ մեր առաջին լուսավորիչների՝ Թադեոսի եւ Բարդուղիմեոսի հիշատակը տոնում է Հիսնակի Բ կիրակիին նախորդող շաբաթ օրը:

30.11.2020 Սուրբ Գեմարիոս եպիսկոպոսի եւ Մերկերիոս զինվորի հիշատակության օր

ՄԱՆԿԱԿԱՆ ԵՎՐԱՏԵՍԻԼ - 2020

ԵՐԳԻ ՓԱՌԱՏՈՆԻՆ ՎՐԱՍՏԱՆԸ
ԿՆԵՐԿԱՅԱՑՆԻ ՍԱՆԴՐԱ ԳԱԴԵԼԻԱՆԻՆ

Ինչպես արդեն հաղորդել ենք, այս տարվա «Մանկական Եվրատեսիլը» կանցկացվի նոյեմբերի 29-ին, Վարշավա քաղաքում: Փառատոնին կմասնակցի 12 երկիր: Եվրափառատոնի կարգախոսն է՝ Move the world! («Շարժիր աշխարհը»): COVID-19 համավարակի պատճառով այս տարվա «Մանկական Եվրատեսիլ» երգի մրցույթը կանցկացվի փոփոխված ձևաչափով: Շուրջ կհեռարձակվի Վարշավայի տաղավարից, իսկ մասնակիցներն իրենց մրցութային երգերը կկատարեն ներկայացվող երկրի տաղավարից:



Երգի փառատոնին Վրաստանը կներկայացնի «Ռանինա» նախագծի հաղթող Սանդրա Գադելիանին: Նա Մանկական Եվրատեսիլ մրցույթում հանդես կգա «Դու միայնակ չես» («You are not alone») երգով: Երգի ռադիոպրեմիերան կկայանա «Պիկիս սաաթի» հաղորդման ժամանակ:

Ավելացնենք, որ Հայաստանը, դեռևս անցյալ տարի հայտարարեց «Մանկական Եվրատեսիլին» մասնակցությունից հրաժարվելու մասին:

ՎՐԱՍՏԱՆ

ՀԱՂՈՐԴԱԿՑՈՒԹՅՈՒՆ

ՄԻՋԱԶԳԱՅԻՆ
ԶՎԵՐԹԵՐԻ ԱՐԳԵԼՔԸ
ԵՐԿԱՐԱԶԳՎԵԼ Է
ՄԻՆՉԵՎ ՀԱՋՈՐԴ ՏԱՐԻ

Վրաստանի ավիաչվերթերի գործակալության տեղեկատվությամբ, միջազգային կանոնավոր օդային հաղորդակցության իրականացման սահմանափակումները երկարացվել են եւ ուժի մեջ կլինեն մինչև 2020 թվականի դեկտեմբերի 31-ը ներառյալ:

Միաժամանակ, գործակալությունը նշում է, որ կանոնավոր ավիահաղորդակցության սահմանափակումները չեն տարածվում Թբիլիսիի միջազգային օդանավակայանի եւ Մյունխենի, Փարիզի, Ռիգայի, Դոհայի, Վարշավայի, Աթենքի, Ամստերդամի, Վիեննայի, Բեռլինի ու Միլանի օդանավակայանների միջև իրականացվող կամ նախատեսվող միջազգային ուղիղ ավիաչվերթերի վրա:

Սահմանափակումները չեն տարածվում նաեւ Քութայիսիի միջազգային օդանավակայանի եւ Ռիգայի, Կատովիցեի, Վլոյնուսի ու Դորտմունդի օդանավակայանների միջև կանոնավոր ավիաչվերթերի վրա:

Հիշեցնենք, որ սկսած մարտ ամսից Վրաստանը դադարեցրել է կանոնավոր ավիաչվերթերը բոլոր երկրների հետ կորոնավիրուսային համավարակի պատճառով, թեւեւ օգոստոսին առանձին չվերթերը վերսկսվեցին: Այնուամենայնիվ, կորոնավիրուսի տարածման հետ կապված իրավիճակի վատթարացման պատճառով եւ՛ վրացական, եւ՛ արտասահմանյան ավիաընկերությունները ստիպված էին որոշ ժամանակով հետաձգել կամ չեղարկել պլանավորված ավիաչվերթերը:

ՖՈՒՏԲՈԼ

ԱՌԱՋԻՆ ԱՆԳԱՄ ՀԱՅԱՍՏԱՆԻ ՀԱՎԱՔԱԿԱՆԸ
ՀԱՂԹԵՅ ՈՒԵՖԱ-Ի ԱՉԳԵՐԻ ԼԻԳԱՅԻ ԽՄԲԱՅԻՆ
ՄՐՅԱՇԱՐՈՒՄ



Ինչպես արդեն հաղորդել ենք, նոյեմբերի 12-ին սեփական հարկի տակ Հյուսիսային Մակեդոնիայի հավաքականի հետ մրցամարտում կրած պարտությունից հետո, Վրաստանի թիմը զրկվեց Եվրոպայի առաջնության մասնակցության ուղեգրից: Այդ անհաջողությունից հետո, Վրաստանը Ազգերի լիգայի մրցաշարում պահպանում էր C դիվիզիոնից B դիվիզիոն անցնելու հնարավորությունը, թեպետ սեփական հարկի տակ Հայաստանի հավաքականից կրած պարտությունից (1:2 հաշվով) եւ Եստոնիայի թիմի հետ զրոյական ոչ-ոքիից հետո 7 միավորով զբաղեցեց երրորդ տեղը: Իսկ ինչ վերաբերում է C2-ից B դիվիզիոն անցնելու հարցին, ապա այդ ուղեգիրը նվաճեց Հայաստանի հավաքականը: Հայ ֆուտբոլիստները Թբիլիսիում վաստակած երեք միավորին ավելացրեցին Կիպրոսում Հյուսիսային Մակեդոնիայի հավաքականի նկատմամբ հաղթական երեք միավորները եւ 11 միավորով գլխավորեցին խմբի աղյուսակը: Խմբային մրցաշարում Հյուսիսային Մակեդոնիան 9 միավորով զբաղեցրեց երկրորդ տեղը, իսկ աղյուսակը 3 միավորով եզրափակեց Եստոնիայի թիմը:

Ավելացնենք, որ Հայաստանի ֆուտբոլի ազգային թիմը պատմության մեջ առաջին անգամ դարձավ խմբային փուլի հաղթող: Գլխավոր մարզիչ Խուսեյն Կապառոսի գլխավորությամբ հավաքականը վերջին 5 հանդիպումներից երեքը շահել էր, իսկ երկուսը ավարտել ոչ-ոքի:

Վրաստանի կրթության, գիտության, մշակույթի եւ սպորտի նախարարությունը, Թբիլիսիի թիվ 104 հանրային դպրոցը, «Վրաստան» թերթի խմբագրությունը, Թբիլիսիի Պետրոս Աղամյանի անվան պետհայդրամայի թատրոնը իրենց գորակցությունն են հայտնում կրթության նախարարության աշխատակից Կարինե Մանուկյանին սիրելի հոր՝

Երջանիկ Պետրոսի ՋՈՐՈՐՔՅԱՆԻ

մահվան կապակցությամբ եւ ցավակցում հանգուցյալի ընտանիքին եւ մերձավորներին:

«Հայարտուն» մշակութային կենտրոնը, Վրաստանի հայ գրողների «Վերնատուն» միությունը, «Վրաստան» թերթի խմբագրությունը, իրենց ցավակցությունն են հայտնում «Հայարտուն» մշակութային կենտրոնի կիրակնօրյա դպրոցի հայոց լեզվի ուսուցչուհի, «Վերնատուն» անդամ Ռոզա Ջոհրաբյանին սիրելի եղբոր՝

Երջանիկ Պետրոսի ՋՈՐՈՐՔՅԱՆԻ

մահվան կապակցությամբ եւ վշտակցում հանգուցյալի հարազատներին:

1	2		3		4		5	6	7	8	9
10					11		12				
			13				14				
15	16	17									
				18							
19			20				21	22	23	24	
				25	26		27				
28	29	30	31					32			
			33								
								34		35	36
37							38				
					39			40			
41					42				43		

Խ Ա Չ Բ Ա Ռ

ՀՈՐԻԶՈՆԱԿԱՆ. 1.Ձովացուցիչ ընպելիք: 3.Մանկական վարակիչ հիվանդություն: 6.ԽՍՀՄ ժողովրդական արտիստ Օլեգ ...: 10.Մարզ Հայաստանում: 11.Գրականության գծով Նոբելյան մրցանակի դափնեկիր (1933թ.) Իվան ...: 13.Թշնամուց խլված գույք: 14.Հսկա օձ: 15.Ռուս առակագիր Իվան ...: 18.Երկար զարդարուն զգեստ: 19.Արդյունաբերական քաղաք Հայաստանում: 21.Քաղաք Ռուսաստանում: 25.Քաղաք Ուզբեկստանի Ֆերգանայի հովտում: 28.Հրեաստանում Հռոմեացի կառավարիչ, Քրիստոսի մահապատժի հրաման արձակողը: 32.Վրաց օպերային երգչուհի ... ճողոմի: 33.Նահանգ ԱՄՆ-ում: 34.Երկար ու խոր փոս: 37.Որեւէ բանի իրագործման առիավատչյալ, երաշխիք: 38.Վիրահայ հեղափոխական գործիչ: 39.Պղնձի համաձուլվածք՝ տարբեր քիմիական տարրերի, գլխավորապես մետաղների հետ: 40.Փորձով մանկաբարձություն սովորած կին: 41.Նստելու հարմարանք: 42.Թաղամաս Նյու Յորքում: 43.Տարփուլի, սիրուլի:

ՈՒՂԱՆԱՅՆ. 1.Չեխ փիլիսոփա, պատմաբան Կարել ...: 2.Չամուսնացած: 3.Փասիանների ընտանի-

ՆԱԽՈՐԴ ՀԱՄԱՐԻ ԽԱՉԲԱՌԻ ՊԱՏԱՍԽԱՆՆԵՐԸ

ՀՈՐԻԶՈՆԱԿԱՆ. 1.Դատաստան: 5.Կազինո: 8.Վաշտ: 9.Վահան: 11.Աստրա: 12.Իվան: 13.Տակն: 14.Խորան: 15.Նա: 17.Վել: 19.Են: 21.Նամ: 24.Ալան: 26.Սանա: 28.Ալեկո: 30.Գուսան: 31.Կմ: 32.Լաս: 33.Անեղ: 34.Աբգար: 35.Ռամզես: 37.Գալակ: 39.Ել: 41.Եմանու: 43.Ալիշան: 45.Տառ: 46.Եգան: 48.Իր: 49.Ազարիա: 50.Ջուռնա: 52.Շա: 54.Առակ: 56.Լուսակա: 57.Ողն: 58.Ազի: 59.Դափն:

ՈՒՂԱՆԱՅՆ. 1.Դրվատանք: 2.Աստանա: 3.Տաշտով: 4.Նավախել: 5.Կահիրեն: 6.Ջանան: 7.Ներեն: 10.Ավան: 16.Ավանդ: 18.Լաոս: 20.Կասես: 22.Մամբրե: 23.Մալագա: 25.Արտակ: 26.Սունելի: 27.Նար: 29.Կարանտին: 30.Գազել: 31.Կա: 35.Ռաստ: 36.Ծերեթելի: 38.Լուարա: 40.Անբան: 42.Մանուշակ: 43.Աղամանդ: 44.Շարական: 47.Ազ: 51.Ռակ: 53.Դոն: 55.Իզի:

Գլխավոր խմբագիր՝ ՎԱՆ ԲԱՅԲՈՒՐԹՅԱՆ

Գլխ. խմբագրի տեղակալ՝ ՅՈՒՐԻ ՊՈՂՈՍՅԱՆ

Համարի պատասխանատու՝ ԳԱՅԱՆԵ ԲՈՍՏԱՆՋՅԱՆ

Համակարգչային ծեսավորումը՝ ՏԻԳՐԱՆ ՍԻՐԱԴԵՂՅԱՆ

ՔՅՅԵՈ ՅՈՆԱՅՅԵՄՈ: ՄԾԾԸՄՈՆՈ 0105, ՃԱՄԸՅԵՄԸՄՈՆ ՄՅՅԻԱ 5, Մեր հասցեն՝ Թբիլիսի 0105 Գ.Աթոնելի փ. 5
ԾՅԸՊ. Հեռ. 2990-739, 2990-774
www.vrastan.ge E-mail: vrastan.press@gmail.com
Գրանցման վկայական № 4 Կ - 1439
«ԿՈՆՈՐ» հրատարակչություն

«ՑճԵԾՅԵՈ»
ՄԾԾԸՄՈՆՈ, ՆԱՅՅԵՄԸՄՈՆ
“BPACTAN”
Тбилиси, Грузия
«VRASTAN»
Georgia, Tbilisi
Индекс 66445